

695 *Ich sage iu mære, ob ich kan:*^K
 dô sprach von disem einem man
 in bēden hern die wīsen,
 daz si begunden prīsen
 5 sīne rīterliche tāt:
 »der dā den prīs genomen hāt,
 welt irs jehen, deist Parzival.«
 der was ouch sô lieht gemāl,
 ez enwart nie rīter baz getân;
 10 des jāhen wīb unde man,
 dô in Gawan brāhte,
 der des hin zim gedāhte,
 daz er in hiez kleiden.
 dô truoc man dar in beiden
 15 von tiwerer koste glīch gewant.
 über al diz mære wart erkant,
 daz Parzival dā wære komen,
 von dem sô dicke was vernomen,
 daz er hôhen prīs bejagete;
 20 vür wâr daz maneger sagete.
 Gawan sprach: »wiltû schouwen
 dīnes künnes vier vrouwen
 unt ander vrouwen wol gevar,
 sô gēn ich gern mit dir dar.«
 25 Dô sprach Gahmuretes kint:
 »ob hie werde vrouwen sint,
 den soltû mich unmæren niht.
 ein ieslīch vrouwe mich ungern siht,
 diu bī dem Plimizœl gehôrt
 30 hât von mir valschlīchiu wort.

s. iu mære, *G s. mære ([*]: ȳch mere V), *T
 nû sp. *G (ohne Z) nû sprāchen *T (I L)

was êt (om. Z) sô *G (V) was doch sô *T

ü. al daz mæ r w. bekant (erkant L), *T (L)

daz man s. *T (nur U)

m. unēren n. *T (nur U)
 etslīch vr. (om. L) m. *G (ohne Z) ein ieclichiu m. ([*]: frowe mich V) *T
 Plymziol hât ([*]: hat V) g. *T
 von (hat von I [L]) mir valschiu w. *T (I L)

*D: D *m: m *G: G I L Z Fr20 (695.1–3) *T: U V

1 Großinitiale U · Initiale D G L Z Fr20 11 Initiale I 25 Majuskel D

1 Ich] +ch D · iu mære] mære *m 12 hin] om. *m 15 glīch] rīch ([*]: gelich V) *m (I V) 16 über alliu disiu (dis m) mære erkant. *m